

san seg innan - nimòrò 87
 mè kalo - san 1979
bp:24 - bamakò (mali)
 téléfòn : 22104 — ccp : 0155
 dörömè 4
 kibarudilalaw kuntigi : amadu ganyi kantè

kibaru

a bè bò kalo o kalo, faso ka kibarudiso ka yamaruya kònò

**baara ye
hadamadenny
sariya fòlò ye...**



**hadamadenny
sinsinnen bè
den de kan...**



**barika bè
jamana denw
ka bénkan de la**



**...o de kòsòn, jamana tè se ka dila den, bén
ani baara kò.**



san 1979 mè kalo tile fòlò nyènajèw kéra
 bokrimu saba nyègòn de kònò:den ani bén ani baara.
 Foto in bè selenge babili baarakèlav ka defile de jira.
 bamakò defile foto dòw bè nyè 8 la.

kònòkow

nyè 2 ani nyè 3: kibaru kanubagaw kuma yòrò. nyè 4: bamanankan. nyè 5 nyò feereli "opa mu" ma; ji ani kungo. nyè 6: bamanankan kalan sikase mara kònò nyè 7 : kibaru dawula. nyè 8 : mè kalo defilew bamakò dugu kònò

kibaru kanubagaw kuma yòrò

kuma kòròmaw

fèn dò bè yen, tobilifèn don. i b'a tobi k'a dun, kògò tè k'a la. n'i ye kògò dòròmèla k'a la, a bè dun. n'i ye kògò tanna k'a la, a bè dun. n'i ye kògò bòrè kelen yèrè k'a la, a bè dun. o ye mun ye ?

manyan tarawele
cegena

cikèla ka foro kònò, jiri jumèn ka jan ni jiri bée ye ?

mògò mana kòròbaya, i bè denmisèn sòn bée bila, fo sòn kelen. o ye sòn jumèn ye ?

bakòròba fonba
kula

mògò tè se ka ji min. nka, i tònyògòn y'a min. o ye fèn min dun, n'i mà o dun, i tè se ka ji min.

laseni dazeli sidibe
kunyana kòlòni

sènèkèdaba dò bè, a nyè tè jè, fo a kò.

fèn bée bée boli. nka, fèn kelen bée, mògò tè o bolitò ni o taamatò dòn.. kòfala konatè kòjan

n'ye ne ka nyòkisè kelen bila ba la, a y'a fa fo k'a bòn.

n'ka so dà la kon ye sanu ye. bolo t'a yèlè, bolo t'a tugu. o ye da jumèn ye ? sakube jara biyano

fèn jumèn ka teli ni dinyè fèn bée ye ? bamusa tiganpo samababugu

nin kèra kamalen kelen ye. sun-gurun fila tun b'a fè. kelen tun bè bò a yèrè ka dugu la, tò kelen tun bè bò dugu wèrè la.

don dò, dugu fè sungurun in nana si kamalen in fè a ka dugu la. dugu jèlen, sungurun dunan ko k'a bène taa so. kamalen k'o la k'o bè kè. a bène taa sungurun dunan in bila sira tuma min, u taar'a sòrò, kooronin dalen bè sira kan. kooronin y'i kan to kamalen ma :

- ayiwa, ne filè i kòrò nin ye. n'i ye ne faga, sungurun dunan bè sa. n'i ma n'faga, dugulen fana bè sa.

kamalen in ka kan ka kooronin kè cogo di ? baba alèkisi samakè kòla

nin ye so kelen ye, a tigi bè tilen k'a boli, k'a boli, so tè bò a nò na, sotigi tè bò a nò na. sotigi dun bè so kan k'a boli. nka, n'i bòra k'i jò, i bè sen nò ye fan bée fè. o ye mun ye ? danseni keyita soso

nin ye cèkòròba dò ye, buguridala masa tun don. don dò la, a ye bubaga bò segi ta, ka taa bubaga bò. a sera kungo fè, a ye a ka dulòki dulon san fè, ka bubaga bò. a tila-lén bubaga bò la, a y'i sigi ka buguri da. a sigilen buguri kun na, a kònònafilila n'a yèrè ye. bawo, a y'a ye ko a bène sa sisan sisan, ko saraka t'a la.

a sigilen buguri kun na, sotigi sera yen. a ko cèkòròba ma :

- i ni ce.

cèkòròba y'a laminè. sotigi y'a nyininka :

- cèkòròba, e sigilen bè mun na ? cèkòròba y'i kan to :

- ne tun bè bubaga bò, n'ye n'sigi ka buguri da. n'y'a ye ko n'bène sa sisan sisan, hali saraka t'a la.

sotigi ye so siri k'i sigi. a ko :

- cèkòròba, i bène sa sisan sisan. a lajè tuguni, saraka fitinin b'a la.

n'b'a nyini aw fè, saraka fitinin min b'a la, o ye mun ye ?

fuseni kònè
koloko

lètèrèw bè ci
kibaru ma:
bp:24- bamakò

ka bò daso nuwakan

daso nuwakan bè san mara la, sorontona aròndisiman na, segu mara kònò. dugu kòrò de ye an ka dugu ye.

daso nuwakan sigi cogo

ne bène daso nuwakan sigi cogo fò aw ye.

daso nuwakan sigira lawale tuma: ngowòn de ye an ka dugu sigi. ngowòn wulila zawònso, ka na jamunosoka dò kan, o tògò ye zejan. a sigira yòrò min na, u tora k'a tògò fò o yòrò ma : ngowònkan.

faden kèle juguyara u ma. dòw taara sigi sorontona. kèle bannen, an nana sigi an nò kòrò la. sèbènni kun fòlò, dugu tògò sèbènnna : nuwakan. n'o tè, a tògò ye daso ngowònkan.

daso nuwakan bilaman

daso nuwakan bè kòori ni nyò ni tiga ni bara ni kèle kèle de sènè, ani ka bagan mara.

balikukalan daminèna daso nuwakan san 1977 la. a ye nòba bò. sisan, balikukaramògò bè sòrò kalandew na. isa kulubali

kibaru kanubagaw kuma yòrò

warabilen ni wulu ka teriya

don dò, warabilen ni wulu bennna.
warabilen ko :

- n'kòrò wulu, ne b'a fè an ka kè
teri ye. bawo, an bëna nyini ka bò
nyògòn fè : e jòlen bè i sen naani
kan, ne jòlen bè n'sen naani kan.
ku b'e la, ku bè ne la.

wulu ko :

- o ye tinyè ye.

warabilen ko o de la sa, a ko :

- nka, yanni an ka teriya ka sabati,
a ka kan an ka nyògòn cogoyaw
dòn, k'a d'a kan, terimaw ka kan
ka nyògòn gasi sigi.

wulu ko :

- o fana ye tinyè ye.

warabilen ko :

- n'kòrò wulu, n'b'a fè k'i nyinika
kuma fila la.

wulu ko :

- n'b'i lamèn.

warabilen ko :

- n'kòrò wulu, e bè tulon kè n'i
yòrò jumèn ye ?

wulu ko :

- n'da.

warabilen ko tuguni :

- n'kòrò wulu, i dun bè kélè kè n'i
yòrò jumèn ye ?

wulu ko :

- n'da.

warabilen kabara, a ko :

- e, n'kòrò wulu, i bè tulon kè n'i
da min ye, i bè kélè kè n'o da ke-

len de ye ?

wulu ko :

- òwò.

warabilen y'i pan o yòrò bée, ka
jiri bolo dò minè, ka sôrò, k'i kan
to ko :

- n'kòrò wulu, wa, teriya ma bò.

musa ture
bamakò

an ka yèlè dòoni

nin kèra tarawelekè dò ye. a ka
sungurun tun ye donsokè dò muso ye.
donsokè nin tun ye ḥunudala ye.

don dò la, donsokè y'a fò a muso
ma ko a bè taa kungo la. donsokè
taara kungo kònò, tarawelekè taara
da donsokè fè, ka sunògò.

donsokè bòra kungo la, a y'a ka
bulon dayèlè. muso ye dayèlè kan
mèn, a ye tarawelekè kunun ka bò
sunògò la. o y'a sôrò, ḥunu jòlen
don da kérè fè. tarawelekè bòra so
kònò, muso ye ḥunu ta k'o don ta-
rawelekè kunkolo la. a kèra u nyè
na ko donsokè ma u ye.

donsokè donna bon kònò, k'a ka
marifa jò, ka sigi. a y'a fò a muso
ma ko :

- n'ye sogo dò ye, n'y'a bon k'a jè.
muso y'i kan to donsokè ma :

- cè wo, e yèrè tègèla man di.

o fòlen, cè girinna ka marifa ta,
ko :

- ni n'tègèla man di, i jò, ne na
marifa ci n'ka ḥunu la i nyè na.

cè ye marifa da sin yòrò min, ta-
rawelekè wulila ni ḥunu ye, ka boli,
k'i pan, ka kogola ta, ka cun. a
sen karila, a kòni ka fisa mugucinna
ye.

papa jara
fuga

nyininkaliw

nin kèra bamanankè dò ye, so dò
tun b'a fè. so in salen, a taara din-
gè sen dò ka foro la, ka so in su-
don yen, janko fèn kana a ka so in
dun.

o forotigi fana ye bara dan o din-
gè in kònò la. o bara woyora ka bò
foro kònò. a bolo dò nana i meleke
so in bòlò turulen na. bara in fana
ma dò wèrè kè baraden kelen kò. o
baraden dayèlè, soden yera o kònò.
yala soden in ka kan ka di sotigi
in ma wa, wali forotigi de ma ?

mama tarawele
ginyan

kònòw tèmèntò, n'ye n'kan to :

- kònò mugan, òw ni sògòma.

kònòw ko :

- an tè mugan bò. nka, n'i ye nin
nyògòn fara an kan, k'a nyògòn ti-
lancè fara an kan, an bè mugan bò.
o kònòw tun ye joli ye ?

saganti sisòkò
genubantan.

ne bè aw nyinika ka kunnafoni
nyini wale dòw kàn mali kònò.
o wale ye mun ye ?

o ye ko minw tèmènna mali kònò,
n'o ye lagaradi san ye, ani bélèdu-
gu kélè san, o ni bòbò kélè san,
kà olu jaabi sèbèn kibaru kònò, u
kèra san minw ni san minw na.

sidi dante
nyònnò

ni e ye shèdennin ba wolo sèbèn
ta, a fan da don ani a fan tòrò don,
don jumèn ye a wolo don ye o fila
la ?

laji danbèlè
bugaribaya

nyamabugu sigi cogo

dugu sigibagaw buruju ye nwele kulubali ye. o bera banankere, banankere min be dabani kerefe ka na i sigi kulukeroni kolokani mara la. o denke cè fila canmaba kulubali ani kase kulubali clu de y'an ka du gu in sigi. dugu in sigi yere tun ye nyama tu ye, o de kama u y'a tegò da nyamabugu, an ka lamini ye kolokani ye, an ka dugu sigilen be kolokani ni kenyè ka cè, a ni kolokani cè ye kilometre tan ani fila ya dugu sigili ani sisan cè san keme ni bisegin. mogè segin y'a tigya ke. dugu tigi folè canmaba kulubali filanan banegé, sabanan ne-

getin, naaninan jakoba, duurunan bala, wooronan cèsen, wolenwulanan guwanya, segin nan banafile kulubali, an be den min i ko bi o be du gutigiyala. dugu in sigira n'tomiju de kerefe. halibi o n'tomiju be yen, an be suman minw sene olu file : nyè ni tiga, kaba ni shò. dugu ni körön cè jalajuba de be yen. ani tilébin cè de fana be yen. ngalafuga ye dugu ye o be an ni bayanfan cè, an n'e cè ye kilometre fila ni tila ye.

sunkalo tarawele
animatéri ka be
nyamabugu kelokani
mara la.

ka bò kucala

k'a ta awirili kale tile 17 ka t'a bila a tile 20 na san 1979, kalan nafama de kera sirakele balikukan siratigè la ka nyèsin kucala sekiteri keroi baarada baarakela dew ma ka be : sirakele, wendina ani zangase zériw la. kalan in karamègè tun ye mamadu susufu sise ye ni o ye nyemè gè ye keroi baarada karamè gèw ka yere la.

-kalan dayèle don, keroi baarada in nyemogè fila fa na tun be yen: derelon ani dugufana tarawele.

-kalan in tun be fèn minw kan :

a fèlè : o ye ka baarada in batakiw bee bayèlèma ba manankan na k'e dew bila sènèkèlaw ka bolo kan du guw kònè.

a filanan : ka suman ci-kè yiriwa kucala mara kònè yaasa faso jiginèba n'o ye opamu ye, o fa ka na se ka kè gèleya ye cikèlaw ma.

moriba kònè
shèfu zéri
kucala keroi
baarada la

ka bò kènènkun

ne be aw nyininka: yala kibaru ko selen be yere min na i ko bi, a fo a te se ka kè bò ko fila ye kalo kelen kònè wa ?

n'i y'a ye ne b'a fo ko kibaru be se ka kè bò ko fila ye kalo kelen kònè, o te do wèrè ye de, a ka di mogèw ye cogo min na, a kantu be an na cogo min na, o te döoni ye.

barisa kibaruyaw kaca, kunnafoiw kaca. ayiwa sa, anw minw ye sènèkèlaw ye an ka kunnafoiw sòròli ka be aw yere, an be se ka da a la, nka, n'a y'a sòrò min be be kibaru kònè, n'o tun be se ka teliya ani k'a caya, o tun be döfara jamanan denw ka bele di nyögèn ma kan ka taa fè. mogè o mogè ye balikukan kè, k'a nafa don, o bee be du gaw kè sisan kibaru ka nyè fè taga la.

mogè minw be kibaru lagè si k'a kè bolo kofè ko ye, an nyè te o mogèw la.

musa kanè
ka be kènènkun.

bamanankan

baara	travail
bajalan	canal
basi	ceusceus
daamu	bonheur, jeie
dabi	punaise
dade	se taire
jaabi...repense-repondre	
jabibi	ananas
e!.....	tei
fa	felie
fa	père
faamu	comprendre
falen	échanger
ga	feyer
gafe	livre
gangan	poussière
hadamaden	humain
hakili	esprit
hinè	pitié
i	tei, tu
kaale	queneuille
kaama ... ned	décertiqué
kaba	ciel
laada	coutume
labèn	préparer
ladamu...santé,	éduquer
maabè...griet	teuceleur
magaya	être meu
makasi	se plaindre
maminè..retenir	d'avance
mangore	mangue
nafa....	intérêt, utilité
nafele	richesse
nimisa	regretter
öhèn!.....	eui
paara	pas
sa	serpent
jalaki.....	tort
alamisa	jeudi
alijènè	paradis

nyò feere "opamu" ma

nyò feereke la, "opamu" ma nyinan san 1979 segu mara bë ten kan. siga t'ola bawo, segu mara bëelajèlen ka nyò feerelen "opamu" ma, e bëenna tèni 21.680 de ma.

macina lamini kelen dëron ta bëenna tèni 6.529 de ma. mëninpé marakala dugu fana kelen dëron ta bëenna tèni 916 de ma. mëninpé bë macina fè, macina bë segu fè, n'i y'a lajè konyuman i b'a dën ko mali bëe kònè, mëninpé ye dugu bëe dan; macina ye lamini bëe dan; segu ye mara bëe dan

mögèw sérèla mëninpé marakala, minw ye nyò feere "opamu" ma fo tèni 100, ka t'a bila tèni 30 hakè la. elu filè nin ye :

seyini	yagabènta
nyè tèni.....	100
bakeroba	yagabènta
nyè tèni.....	100
barifa	yagabènta
nyè tèni.....	100
karafi	jigi
nyè tèni.....	30
mahamudu	sise
nyè tèni.....	50
yènge	yagabènta
nyè tèni.....	30

mëninpé marakalakaw feli tè ban habada. e de kèsèn peresidan musa yèrè sera yen ka medayi di mögè caman ma. segu mara guèrinèri, komandan abudilayi keyita, e fana wilila ka taa mëninpékaw fo. elu ka feliw bë malidenw bëe ta kan ani "kibaru" fana ka feli nyuman.

amadu ganyi kantè kibarudilalaw kuntigi bamake.

mara ye banajuguba ye



mara furakèbaliya laban ye nyèminè ye. nyèminè laban ye garibuya ye. garibuya ye landèye, bawo, nyètan tè se ka fosi k'a yèrè ye.


k'a ta san 1979 awirili kale tile 24 na, k'a bila a tile 26 la, mara kèlebagaw, dinyè fan tan ani naa ni kònè, elu ka nyègonyeba dò kèra bamakè, mali kònè.

nyègonye in baaraw tun ayèsinnen bë mara kèlecego nyuman de ma, jamana 9 nyègén kònè, n'olu ye benin kodiwari, gana, etiwalita mali, nizéri, tego, senegali ani lagine konakiri.

mara ye banajuguba ye min bë sérè ji fè. n'a bana kisè ye mögè farikolo kònóna sérè, a tigi b'a yèrè si nyè i n'a fo nganyato. a tigi farikolo laban bë fin fin, k'a kuru-kuru, a joli bë tinyè fo ka kunkolo ani nyèw sérè n'a b'olu nòrè minè

mara furakèli waati ka jan cogo e cego, a bë fura kè fo k'a ban, nka a kakan ka daminè joona, sanni a ka kòkò. e de kòson, an bëe kelen kelen kakan k'an yèrè lajè. joona mara furakèli yèrèw la, bawo, janto yèrè la kòrèko kanyi.

ji ani kungo ye hadamaden taalan ye



ji ani kungo ; denseya ani mèoni, nin bëe sigilen bë sariyaw de kan, minw tinyèli ye baasi ye nèemafènw ma : (jiriw-kòw-baw) ani dantanfènw ma : (sogew ani jègèw).

ji ani kungo ye hadamaden taalan ye

k'a ta san 1979 awirili kale tile 9 na k'a bila a tile 13 la, ji ni kunge ani donsoya ni mèonikè sèriwisi nyémégew y'u ka sanyèlè ma nyögènye 4 nan kè bama-kè.

kumatalaw kèra nanpa sango, amadu jale ani medibe sidibe ye. kumasenw kèra jiri nafa ye hadamaden ka dinyèlatigè kan; ani kunge

kònò segow nafa, bala sira kan ; ani jègè mèoni n'a jage cege nyuman ; ani dugukole laden cege nyuman.

hadamaden taalan ye nèema ye : o jubaju ye jiri ye. hadamaden taalan ye bala ye : o jubaju ye sege ani jègè ye. hadamaden ka dugukole baara foyi tè se ka nyè dugukole nyuman kè. o jubaju ye dugukole laddenni ye.

ji, jiri, soge, jègè, dugukole, elu ye fènw ye minw matarafali nafa bè an yèrè de kan. e de kèsèn an kakan k'ubaarada mègèw famuya, k'u ka ladilikanw bè a si-ra fè.

amadu ganyi kantè kibarudilalaw kuntigi bamakè.

bamanankan kalan sikaso mara kònò

kabini mali kalanke semi-nèri kèra san 1978 desanbu ru kale la, mègè 511 de ye bamanankan sèbèn cege dege sikaso mara kònò k'a ta zamwuye kale la k'a bila awirili kale la, san 1979 kònè.

sikaso bamanankan kalan bè ka kè abudulayi kamara de ka kòlèsi kònè, n'e ye sikaso mara balikukalankow kuntigiba ye ani a jènyègènw n'olu ye isiyaka jara ye ani madamu jèpu, fatumata sanègò.

sèriwisida minw ye kalan in kè sikaso elu file min ye :

- denmisèn nyémégew, sikaso dugu kònò ani kajole.
- lèkèlikaramègèw, sikaso dugu kònè ani kajole, ani luluni.


- dèkötérèso baarakèlaw, minw nyèsinnen bè "mali sud" ma sikaso mara kònò.

- "cac" baarakèlaw, minw nyèsinnen bè jèkulukow na cikè yèrèw la, sikaso mara kònè.

- "atc" baarakèlaw sikaso kònò.

a jira la ke lèkèlise dirèkitèri bèe kakan k'u ka lèkèlikaramègèw kalan bamanankan na walasa elu fana ka denmisèn kalan a la n'a tuma sera.

min fèra seminèri filanan sen fè, e de bè ka bè a si-ra fè : ka mali den kelen kelen bèe dege an ka sèbènni na, walasa an bëela-lén ka kan kelen fè, ka kan kelen sèbèn.



abudulayi kamara, sikaso mara balikukalankow kun - tigi -



k'a ta awirili kale tile 10 na, k'a bila a tile 15 la, sumayila tarawele ani amadu ganyi kantè tun bè taama la sikaso dugu n'a kafe damadèw kònè. ja in ye luluni lèkèlikaramègèw ka bamanankan kalan yèrè de ye. sanni taamaden kofèlen ninw ka se sikaso, u taara buguni fèlè ; u bôlen sikaso sa, u taara kucala, segu, ani joyila, ka sòrè ka na bamakè.

kibaru dawula n'a walenyumandòn

kibaru, i kèra tile ni kalo de ye.
 dugu mana jè,
 an b'i tile falentò ye ni falen cogo cènyi ye.
 su mana ko,
 an b'i kalo falentò ye ni falen cogo cènyi ye.
 i kèra lanpa mènè de ye bon kònò,
 lanpa mènè min tè sa,
 lanpa mènè min nòorò ka bon,
 nòorò min b'anw dusukun saniya.

kibaru, anw ka kan k'i walenyumandòn.
 i ma na fuma min na,
 sènèkuntigiw de tun b'anw lajèrè
 an ka duguw kònò,
 ka cikè cogo kuraw fò an ye,
 k'an kalan forow kònò.
 dòw tun bè da a la, dòw tun tè da a la.
 kibaru, i nalen, i kèra sababu ye,
 anw bè o cikè cogo kuraw kalan,
 tumd min, n'an nana ka bò an ka forow kònò,
 k'an ko, k'an jè,
 kibaru, daamu bè i kalan na.

kibaru, n'anw tun ma don balikukan na,
 an tun bè kè an yèrè ma jugu ye.
 kibaru, anw ka kan k'i walenyumandòn.
 anw tun tè jamana taanyè kala ma.
 nka, e de kèra sababu ye,
 ibrahima kulubaliw ka bamanankanw fòli bòlen kò^{arajomali} la,
 anw ka se ka kunnafoni sòrò
 dinyè fan tan ni naani taa cogo n'a na cogow la.

kibaru, i kèra kala mènè de ye anw nyè,
 kala mènè min tè sa.
 kibaru, anw ye dinyèlatigè diya dòn e de fè.
 an man'an nyèw fili i kò fè,
 an bè dinyè bée ye, farafinna ni farajèla.
 nin dinyè kèra di dunta ye,
 anw b'a dun e de fè.

kibaru, n'an ka nyininkali tun sera i ma,
 an tun bè i nyininka :
 mun na, i ma se ka na waati la,
 waati min, n'an bènbaw,
 i n'a fò, sunjata, tiramagan, fakoli,
 ka na se ba bènbaw amadu sekù, samori, laji umaru,

ú ka ca... olu tun b'a fè waati min,
 ka farafinna kunkòròta ?
 nka, n'an m'i nyininka, an y'a dòn, k'a fò,
 i tun bè waati min makònò la,
 o yè nin waati de ye,
 waati min,
 ni nyèmògòw haminen don n'a balimaw ye,
 u balima minw, ni faso jò tè se ka kè u kò.

kibaru, an ka walenyumandòn bè ka taa i ma,
 an ka walenyumandòn bè ka taa i ma cogo min na.
 an ka foli bè ka taa mògòw ma,
 mògò minw ye kòngò munyu,
 ka minnògòw munyu,
 ka sunògòbaliya ta,
 ka taa i konyò sinsi, k'i lase anw ma.
 waati la, waati min, ni maliba b'a fè
 ka yelenku dinyè cè ma,
 kòmi ni san bè yelenku san dibi la.

kibaru, i nana waati la,
 waati min, ni minnògò tun b'an na,
 ka se ka faso kan sèbènnen dòn.
 nka, i nalen ye o minnògòw nògòya.
 nka, a kòlòn kana ja dè


kibaru, lakanitasèbèn tòw nafa ye kelen de ye
 u kalanbagaw ma.
 nka, e ta nafa ye saba de ye.
 anw bè dinyè bée lahalaw sòrò e de fè,
 an b'an ka baaraw kunnafoni sòrò e de fè,
 an bè bana juguw kèle cogow dòn e de fè.

kibaru, i dònbaloya ye bana de ye,
 i dònni ye kénèya de ye.
 kibaru, jigitigèbagatòw jigitugubaga.
 tubabukan y'anw dan,
 arabukan y'anw dan,
 anw tun jigi karila?
 nka, e de nana anw jigi tugu.
 kibaru, i ye dinyè konnyin d'anw ma,
 a konnyin tè tunun.

kibaru, i dawula ka bon,
 an b'i walenyumandòn.

seyidu tarawele
 golobilaji


jamana tè dila jamana denw kò



defilew lajèbagaw



bogò dila yorò (ucema) baarakèlaw




bagi dila yoròw baarakèlaw



sènèkè minènw dila yorò baarakèlaw



bankiw baarakè musow ka defile



baarakèlaw defilela ka caya bamakò

san kònòntònnan — nimòrò 96.
feburuye kalo — san 1980

bp:24 - bamakò (mali)
telefòn : 22104 — ccp : 0155
dòròmè 4

kibarudilalaw kuntigi : amadu ganyi kantè

Kibaru

a bè bò kalo o kalo, faso ka kibarudiso ka yamaruya kònò

musoya tè mógo tinyè

Mali musow ka ladala kònferansi fila nan yèlèmara, san 1979 desanburu kalo tile 28 don k'a kè kongèrè balaien fòlò ye, walasa u ka tònba, n'o ye "unfm" ye, o senkan ka bèn, Mali foroba tònba senkan ma, n'o ye "udpm" ye.

delege 250, minw bòra Mali Mara wolon wula bée kónò ka fara bamakò taw kan, olu bënnna a kan k'u ka yèlèma don kowla, komitew, susèkisònw ani sèkisònw kónò, walasa musow ka politiki baara kè, k'u ka musoya walew fana matarafa.

u ye musow ka cèsiri jira, kabini san 1977 kongèrè fòlò, jamana baara la, sira bée kan, k'a nyimi nyémogòw fè, u ka musow tògòla minisiriso dayèlè. peresidan musa tarawele sonna o ma, a ka san 1980 dafòlò kuma sen fè. o de bée musow jdyorò jira cèw kèrefè, jamana dilali la, k'a jira fana ko musoya tè mógo tinyè.

denmisènya kòrò ka di

a bée fòwa tinyè don fana ko bi denmisèn o de ye sini mógo kòròba ye. sini mógo kòròba, o de ye dutigi ye ; foroba baarakèla; cikèla; mònnikèla; bagannmara-la; bolola baarakèla, ani kènyèrèye.

denmisènya kòrò ka di : jamana jigi y'a ka denmisèn ye; jamana politiki waleyabaga nyuman ye denmisèn ye; jamana baarakèla kènèmanw ye denmisèn ye.

o de kósón Mali denmisèn ka tònba, n'o ye "unjim" ye, o y'a ka baara nyèsin "udpm" sariyaw labatoli ma, jamana denaw bée fè, bawo, u y'a jira ko mi sariyaw ma labato, jamana tè se ka dila.

u y'a jira u ka sanyèlèma foli kónò peresidaa musa tarawele ye, ko politiki la, yèrè jiranciya ma nyi, bawo, o bée militanw jigi misènya. u y'u jigi da nyémogòw kan, walasa ko bée ka kè ka baarakèlaw bò ndogò la, minw ye cikèlaw ani uwiriyew ye.

peresidan musa ka san 1980 dafòlò kuma

Mali peresidan ka san yèlèma kuma, nyinan san 1980 daminè la, o tun sinsinnen bée bolodi nyogòn ma de kan, yèrèdon kónò. maliden minw bée jamana kónò ani minw z. gilen jamana kókan, a ma gèlèya dogo a kelen si la : dinyè gèlèya; wari gèlèya; sóróda gèlèya, n'o fanba ye petróli ye; hadamadenya gèlèya; sanjiko gèlèya; baloko gèlèya ani magomyè fènw gèlèya.



General Musa Tarawele
Mali peresidan

jago sira kan, samifeere sira kan, dèmè sira kan, ka ta cikèlaw ma ani Mali yòrd caman di lali sira kan, peresidan musa tarawele ye hakili nyuman de nyimi jamana denaw fè. bée k'a don min ka kan ka kè ani min bée se ka kè.

aka, o m'a ta o ta, a y'a jira ko gofèrènanan b'a seko bée kè walasa ka cikèlaw ka sègèn ndo-

(a té bée nyè 8.1a)